

# ԱԴՈՆՑԵԱՆ

## ՄԱՍՈՒՆՔՆԵՐ

ՊԵՏՐՈՍ Թ. ՅՈՎՀԱՆՆԻՍԵԱՆ

Նիկողայոս Ադոնցը (1871-1942) Հայագիտութեան ականաւոր ներկայացուցիչներից է: Նա նշանաւոր, միջազգային մեծ ճանաչում ու հեղինակութիւն ունեցող բազմազգէտ էր, արեւելագէտ, լեզուաբան: Տարիներ շարունակ զաստիսեւել է Ս. Պետերբուրգի Համալսարանի արեւելագիտական ֆակուլտետում, իսկ 1930-1942 թթ. եղել է Բրիւսելի Համալսարանի Հայագիտութեան ամբիոնի վարիչը: Նրա աշխատութիւններից իւրաքանչիւրը, իսկ դրանց թիւը շուրջ հարիւր է, գլուխգործոցներ են, իսկ Հայաստանը Յուստինիանոսի Դարաշրջանում մենագրութիւնը (ոտուերէն, Ս. Պետերբուրգ, 1908, յետագայում թարգմանուել է անգլերէն եւ հայերէն) իրաւացիօրէն համարոււմ է Հայագիտութեան բարձրագոյն արդիւնքներից մէկն ու չգերազանցուած՝ իր բնագաւառում: Ուստի, հասկանալի է, թէ իրենցից որքան մեծ արժէք են ներկայացնում նաեւ ադոնցեան չհրատարակուած, դեռեւս անյայտ մասունքները՝ նամակներ, ուղերձներ, դիտողութիւններ, կարծիքներ, որոնք ցրուած են զանազան վայրերում, հանգրուան են գտել զանազան դիւաններում:

Այսու շրջանառութեան ենք դնում նման երկու մասունք, որոնք օգտակար կարող են լինել Ն. Ադոնցի ամբողջական, աւարտուն դիմագիծը պատկերելիս: Մասունքներից մէկը վերաբերում է Հայոց քերթութեան անմահ դէմքերից մէկին՝ Սիամանթոյին եւ դրանով իր նպաստը կարող է բերել նաեւ բանաստեղծի կենսագրութեան՝ որոշ իրողութիւններ ճշգելիս:

Ա. Չոպանեանին ուղղուած նամակի բնագիրը պահոււմ է Ե. Չարենցի անուան գրականութեան եւ արուեստի թանգարանի Արշակ

*Չուպանեանի Ֆոնդում (1 բաժին, 133, համար 26), իսկ երկրորդի բնագիրը՝ Հայաստանի Հանրապետութեան պատմական պետական կենտրոնական արխիւում (Ֆոնդ 399, ց<sup>1</sup>, գ. 93):*

*Երկուսն էլ բնագիր են, ձեռագիր:*

*Բնագրերը հրատարակում են նոյնութեամբ, որոշ անհրաժեշտ կէտադրական միջամտութիւններով:*

№ 1

ՊԵՏԵՐՐՈՒՐԳԻ ՀԱՅԿԱԿԱՆ ԵԿԵՂԵՑԻՆԵՐԻ  
ԳՈՅՔԵՐԻ ՎԱՐՉՈՒԹԵԱՆ ԽՈՐՀՐԴԻՆ

2 Մարտի 1904թ.  
Սանկտ Պետերբուրգ

Առաջադրելով յարգելի Խորհրդիդ ուսանող Ատոմ Եարեանեանի խնդրագիրը, կարելուք եմ համարում մի քանի խօսք ասել նրա մասին ի գիտութիւն անդամներիդ: Պարոն Եարեանեան թուրքահայ է եւ ուսանող է Պարիս՝ Սորբոնում<sup>(1)</sup>: Գրեթէ պատանի, 22-23 տարեկան<sup>(2)</sup>, օժտուած բնատուր շնորհքով, նա պարապում է միեւնոյն ժամանակ եւ գրականութեամբ, ու արդէն յայտնի է խոր եւ սրտառու ըրանաստեղծութիւններով<sup>(3)</sup>: Նիւթական դառն պայմաններն ու պէտքերն զրկանքները հիւծել եւ փայփայել են նրա առողջութիւնը եւ վերջերս երեւան են եկել թոքախտի նշաններ<sup>(4)</sup>: Վերահաս վտանգէ ազատելու համար խեղճ տղային, նրա ընկերները եւ յարգողները<sup>(5)</sup> մի թեթեւ գումար հաւաքելով դրկել են նրան Շվեյցարիա բժշկուելու<sup>(6)</sup>: Քանի որ Խորհուրդդ սկզբունքով եւ գործով նպաստում է ուսանող երիտասարդութեան, ցանկալի կը լինէր, որ նա հանէր յարգելու պարոն Եարեանեանի խնդիրը: Նա միանգամայն արժանի է Ձերդ օգնութեան, որովհետեւ ուսանող է, գրող եւ վերջապէս՝ հիւանդ: Նրա ապագան կապուած է հայ գրականութեան հետ եւ նրա կորուստը կորուստ է հայ գրականութեան համար<sup>(7)</sup>:

Յարգանքով՝  
Ն. Ադոնց

№ 2  
ԱՐՇԱԿ ԶՈՊԱՆԵԱՆԻՆ

Ազնիւ բարեկամ,

Ցաւում եմ, որ միայն այժմ կը գամ արձագանգ տալու ձեր վերջին քարտերին: Աններելի է լռութիւնս, մանաւանդ պարոն Սղեբղցեանի<sup>(1)</sup> խնդրի համար: Գժբախտաբար որոշակի չեմ կարող ասել թէ Խորհուրդը<sup>(2)</sup> հնարաւոր կը գտնի՞ օգնութեան հասնելու յիշեալ երիտասարդին, որի համար բարեխօսելու նեղութիւնն դուք եւս յանձն էք առած: Աւելորդ չեմ համարում մի քանի խօսք գրելու Ձեզ այս առթիւ, Եկեղեցական Խորհրդիս՝ ուսանողներին օգնելու խնդրին ընդհանրապէս:

Տեղւոյս Եկեղեցական Խորհուրդը ամէն տարի աւելի քան 17,000 ուրիշ կը ցրի ուսանողութեան: Մինչեւ այժմ նպաստներ եւ թոշակներ տրուել են առանց որեւէ առաջնորդող սկզբունքների այս կամ այն անճանալութեանց անխտիր կամ ճշմարիտ կարիքին: Խորհրդիս ներկայ կազմը մինչեւ այժմ հետամուտ էր ինչինչ սկզբունքներ մշակելու, թէ՛ թոշակներ բաշխելու եւ թէ՛ եկեղեցական դրամները աւելի նպատակայարմար գործ դնելու վերաբերութեամբ: Նորերս միայն որոշ եզրակացութեան եկանք եւ մշակուած կանոնագրութիւնը պէտք է առաջնորդ լինի մեզ մեր գործունէութեան: Գուցէ յետոյ Ձեզ մի օրինակ դրկելու հարկաւորութիւն զգանք, որից մանրամասն կը տեղեկանաք նոր ծրագրիս: Այսօրեայ ասել կը բաւականանամ, որ նոր Խորհրդի հայեցողութեամբ՝ չփառորութիւնը տակաւին բարարար հիմք չէ, որ ուսանողին օգնելու հարկաւորութիւնը պարտաւոր համարէ Խորհուրդը: Ազգային մեծ հաստատութիւն լինելով (ներկայ հանգամանքներում գրեթէ միակը), Եկեղեցին, մեծ պատասխանատուութիւն ունի հասարակութեան առջեւ<sup>(3)</sup>, եւ պարտաւոր է դրամները տնօրինելու այնպէս, որ արդիւնքը հասարակական բնոյթ կրէ: Հայ Եկեղեցուց օգնութիւն հայցելու իրաւունք ունենալու են միմիայն այն անձինք, որ վստահ են, որ ապագայում պիտանի են լինելու այս կամ այն մտքով հայ ազգին, նրա մերձաւոր կարիքները դարձանելով: Յունուարից կը սկսուի նոր ծրագրի գործադրութիւնը: Պարոն Սղեբղցեանին նախաջելու հանոյքը չունեմ, բայց նրա տոկունութիւնը գովական է: Եթէ անձամբ կ'երաշխաւորէք, որ իրօք արժան է հասարակական օգնութեան պարոն Սղեբղցեանը, այն ժամանակ նրան խորհուրդ տուէք խնդիր ուղարկելու Խորհրդի անունով, եւ կից՝ Ձեր յանձնարարական նամակը Խորհրդին ներկայացնելու: Ցուտով եմ, որ կը յաջողուի նրան թոշակաւոր ընդունել մինչեւ ուսումն աւար-

տելը՝ պատասխանատուութիւնը որոշ մտնով Ձեր վրայ բողոքելով:  
Ինչպէս կը դատեն Խորհրդի միւս անդամները, չգիտեմ, բայց ես  
կ'աշխատեմ այս ուղղութեամբ...<sup>(4)</sup>:

18 Դեկտեմբերի, 1904

Յարգանքով՝  
Ն. ԱԳՈՆՑ

### Ծ Ա Ն Օ Թ Ա Գ Ր Ո Ւ Թ Ի Ի Ն Ն Ե Ր

№ 1

1. Սիամանթոն եղել է Սորբոնի համալսարանի գրական բաժնի ազատ ունկնդիր (1897-1901), ապա մէկամեայ ընդմիջումից յետոյ շարունակել է հետեւել մոյն համալսարանի փիլիսոփայութեան եւ համաշխարհային գրականութեան դասընթացներին (1902-1903):
2. Սիամանթոն ծնուել է 1878 թուականին, հետեւաբար 1904-ին մա 26 եւ ոչ քէ 22 տարեկան էր:
3. Սիամանթոյի առաջին քերթուածը՝ «Ախորում խաղաղութիւն» խորագրով, լոյս է տեսել 1898 թուականին Մանչեստրում հրատարակուող *Վաղուան Ջայնը* քերթում: Այնուհետեւ մա տպագրուել է *Անահիտ*, *Ազատամարտ* եւ այլ պարբերականներում: Հետաքրքիր է նշել, որ Ն. Ազոնցն իր խմբագրած *Բանբեր Գրականութեան եւ Արուեստի* վեցամսեայ հանդէսի Ա. եւ Բ. հատորներում (Ս. Պետերբուրգ, 1903-1904) տպագրել էր Սիամանթոյի «Հոգեւարքի եւ յոյսի ջահեր» շարքի մի շարք բանաստեղծութիւններ՝ «Աղօթք», «Չարչարանքի երազ», «Թաղում», «Գրութիւն», «Մարաւ» (հատ. Ա., էջ 143-147), «Հոգիս», «Արիւն», (հատ. Բ., էջ 115-116):
4. Թոմասի (հիւժախտի) մախանշաններն ի յայտ էին եկել 1904 թ. Յունուարին:
5. Ակնարկում է Միմաս Չերազին, Ա. Չոպանեանին, Վ. Թէլեեանին եւ այլոց:
6. Սիամանթոն բուժուում էր Շվեյցարիայի Լէյզէն առողջարանում:
7. Ն. Ազոնցի սոյն գրութեան վրայ մակագրուում է՝ «Տալ տեղեկանք»:

№ 2

1. Տաւօֆ, հնարաւոր չեղաւ պարզել ինքնութիւնը:
2. Ակնարկում է Ս. Պետերբուրգի Հայոց Եկեղեցական Խորհրդին, որին Ն. Ազոնցն աշխատակցում էր սկսած 1904 թուականից որպէս մախագահի տեղակալ:
3. Յետագայում եւս Ն. Ազոնցը տարբեր առիթներով շեշտում է այն միտքը, քէ «Հայոց Եկեղեցին եղել է եւ մնում է ամրակուտ գօտի հայութեան մէջին» (տես՝ Պրոֆ. Ն. Ազոնց, «Պէշիկբաշլեան եւ կցորդ խնդիրներ», ՀԱՅՐԵՆԻԹ ԱՄՍԱԳԻԹ, ք. տարի, քի 6 (102), Պոսքըն, Ապրիլ 1931, էջ 91):
4. Բաց եմք բողել մի հատում, որն աղերս չուծի արծարծուող խնդրի հետ:

Պ. Բ.

## RELICS FROM NIGOGHAYOS ADONTS

Petros H. Hovhannisian

### (SUMMARY)

The author presents here two hitherto unpublished letters of Nicoghayos Adontz, the renowned Armenian historian, Byzantologue, orientalist and linguist (1871-1941). Of these letters the first is sent to Armenian church authorities of St. Petersburg, and sheds some light on the student life of the famous Armenian poet, Siamanto (Atom Yardjanian), while the second, sent to Arshak Chopanian of Paris, the reputed Armenian poet, prose writer, critic, and the editor of the Armenian monthly *Anahit*, discloses how the Armenian church authorities functioned at St. Petersburg while allotting scholarships to the needy Armenian students. In both cases, Hovhannisian annotates the letters to make things clear.